

Залолатга ботганлар



19:00 / 29.01.2025 1592

عَلَيْهِ اللَّهُ حَرَّمَ فَقَدْ بِاللَّهِ يُشْرِكُ مَنْ إِنَّهُ، وَرَبِّكُمْ رَبِّي اللَّهُ أَعْبُدُوا إِسْرَائِيلَ يَنْبَغِي الْمَسِيحُ وَقَالَ مَرْيَمُ ابْنُ الْمَسِيحُ هُوَ اللَّهُ إِنَّكَ قَالُوا الَّذِينَ كَفَرُوا لَقَدْ

﴿٧٢﴾ أَنْصَارٍ مِنَ الظَّالِمِينَ وَمَا النَّارُ وَمَأْوَهُ الْجَنَّةَ

«Албатта, Аллоҳ Масих ибн Марямдир», деганлар батаҳқиқ, кофир бўлдилар. Масих эса: «Эй Бану Исроил, менинг Роббим ва сизнинг Роббингиз - Аллоҳга ибодат қилинг. Ким Аллоҳга ширк келтирса, албатта, Аллоҳ унга жаннатни ҳаром қилур ва унинг жойи оловдир. Ва золимларга ҳеч қандай нусрат берувчилар йўқдир», - деди»
(Моида сураси, 72-оят).

Ийсо алайҳиссаломдан кейин насоролар у зот олиб келган соф ақийдани қандай қилиб бузганларини аввалги оятлар тафсирида ўргандик. Бу оятда эса ўша залолат ботқоғига ботган насороларнинг

«Албатта, Аллоҳ Масиҳ ибн Марямдир», – деганлари куфр экани, уларнинг бу ақйдаси ва гапи Масиҳ ибн Марямнинг айтганларига ҳам буткул зид эканининг баёни келмоқда. Чунки Масиҳ ибн Марям алайҳиссалом ҳеч қачон насороларга «Мен Худоман, менга ибодат қилинг», демаганлар. У зот алайҳиссалом ўзларига эргашганларга:

«...менинг Роббим ва сизнинг Роббингиз – Аллоҳга ибодат қилинг», – деганлар.

У зот ўзларини ҳам бошқалар қатори, банда ҳисоблаганлар. Шу билан бирга, у киши одамларни умуман ширкдан – «Аллоҳнинг шериги бор», дейишдан қайтарганлар. Тавҳидга – ягона Аллоҳга эътиқод ва ибодат қилишга чақирганлар.

Масиҳ ибн Марям алайҳиссалом насороларга:

«Ким Аллоҳга ширк келтирса, албатта, Аллоҳ унга жаннатни ҳаром қилур ва унинг жойи оловдир», – деганлар.

Аммо Аллоҳга берган мийсоқ – аҳдномани бузган насоролар эса «Масиҳ ибн Марям Худодир», деб, Масиҳ ибн Марямнинг ўзлари таъкидлаб айтган маълумотнинг тескарисини қилмоқдалар. Бу улар томонидан бўлаётган катта зулмдир.

«Ва золимларга ҳеч қандай нусрат берувчилар йўқдир».

«Тафсири Ҳилол» китоби асосида тайёрланди